

# NRHIAV & CEEV COV NEEG UA HAUJ LWM KOM TXHOB TAWM

Mus saib **MNTransportationCareers.com** kom tau cov ntaub ntawv xws li cov yeeb yaj kiab (videos), cov ntawv tshaj tawm txog cov hauj lwm muaj qhib, ib co ntawv cob qhia ua hauj lwm tso tawm saum huab cua (online), cov ntaub ntawv tshawb fawb khaws tseg txog cov neeg ua hauj lwm (case studies), thiab lwm yam ntau ntiv los pab nrhiav thiab ceev cov neeg ua hauj lwm tsav tsheb loj thauj khoom thiab kho tej kev tsheb kom txhob puas thiab lwm yam hauv koj lub chaw ua hauj lwm (agency) kom txhob tawm ntawm lawv txoj hauj lwm.

- Cov ntaub ntawv no tau muab kho kom haum rau Cov Neeg Nrhiav Hauj Lwm, Cov Tub Ntxhais Kawm Ntawv, thiab Cov Kws Tshaj Lij Ua Hauj Lwm Hauv HR.
- Cov ntaub ntawv thiab cov yeeb yaj kiab yooj yim muab siv los qhia rau lwm tus thiab siv tau rau hauv koj txoj kev nrhiav neeg los ua hauj lwm.
- Tshuj xyuas cov ntaub ntawv tshawb fawb txog cov kev txhim kho uas ua tau zoo thiab cov laj txheej nrhiav neeg ua hauj lwm kom tau cov tswv yim tshiab.
- Tshawb nrhiav cov hauj lwm muaj tshaj tawm tam sim no thiab/los yog xa koj cov hauj lwm kom nce nqib mus rau theem tom ntej hauv qhov laj txheej MnLTAP.
- Ib co ntawv qhia siv tau yooj yim muab siv tau los cob qhia thiab muab cib fim rau cov neeg kom loj hlob ntawm lawv txoj hauj lwm.

## SIB TIV TAUJ



Web

[mntransportationcareers.com](https://mntransportationcareers.com)



Thajj qhov no kom  
paub ntxiv



  
MINNESOTA LTAP  
UNIVERSITY OF MINNESOTA

## COV HAUJ LWM TSAV TSHEB LOJ THAUJ KHOOM THIAB KHO KEV TSHEB THIAB LWM YAM NYOB HAUV ZOS HAUV XEEV MINNESOTA



COV NTAUB NTAWV PAB RAU  
COV KWS TSHAJ LIJ UA HAUJ LWM  
HAUV HR

“Kuv tau ua hauj lwm rau hauv ntau chav hauj lwm sib txawv: tsheb khiav mus los (traffic), cov kev tsheb, cov vaj ua si (parks), cov kev kawm txog tsim thiab kho kev, hloov teeb ci... Hais txog kev nrhiav thiab ua hauj lwm mas, yog koj qheb koj lub siab thiab ua raws li koj txoj kev xav kawm kom paub ntxiv ces, nws yuav qheb lub qhov rooj rau koj.”

Jacob Remington, Tus Neeg Ua Hauj Lwm Kho Kev Tsheb Kom Txhob Puas, Lub Nroog Hopkins

“Mus txog qhov koj xav mus. Mus nrog cov tsav tsheb loj thauj khoom thiab kho kev tsheb thiab lwm yam hauv peb pab pawg neeg ua hauj lwm.”

## COV TXIAJ NTSIG TAU TXAIS MUAJ TXHIJ TXHUA

Cov kws ua hauj lwm tshaj lij hauv HR thoob plaws Minnesota tau qhia paub—yam tsis muaj zais li—tias cov neeg nrhiav hauj lwm feem ntau muaj siab xav paub tshaj plaws txog tus nqi them rau txoj hauj lwm. Nws yeej yog ib qho nyuaj los sib tw nrog cov hauj lwm ua rau sab lag luam rau tus kheej uas tsis yog tsoom fww li (private sector) yog muab hais txog tus nqi them rau txoj hauj lwm nkaus xwb. Txawm li cas los, thaum hais txog tas nrho tus nqi them rau txoj hauj lwm—ntxiv rau cov txiaj ntsig tau txais (benefits), cov sij hawm teem ua hauj lwm uas paub tau ua ntej dua, thiab muaj sij hawm ua txoj hauj lwm/ua lub neej sib npaug uas muab los ntawm cov hauj lwm ua rau sab tsoom fww (public sector)—kuj yog ib qho txaus siab nyiam rau cov neeg los ntawm txhua haiv neeg uas nrhiav txoj hau kev los ua kom tau ib lub neej zoo dua qub rau lawv tus kheej thiab lawv tsev neeg.



### Cov Txiaj Ntsig Tau Txais

Cov hauj lwm ua rau tsoom fww muab ntau yam txiaj ntsig (benefits) uas muaj nqis—cov txiaj ntsig no tuaj yeem ntxiv tau rau qhov them tus nqi ua hauj lwm uas tsawg dua ntawd.



### Cov Sij Hawm Teem Ua Hauj Lwm

Cov sij hawm teem tseg ua hauj lwm muaj qhov paub tau ua ntej zoo dua thiab tsis tu ncu a dua li ntau cov hauj lwm uas zoo sib xws hauv sab lag luam ntiag tug uas tsis yog tsoom fww li (private sector).



### Muaj Sij Hawm Ua Hauj Lwm/Ua Neej Sib Npaug

Ntau cov hauj lwm tsav tsheb loj thauj khoom thiab kho kev tsheb thiab lwm yam yuav tsum tau mus nyob lwm qhov chaw deb ntev heev. Cov hauj lwm hauv lub chaw ua hauj lwm hauv zos nyob ze tsev thiab pab tau lub zej zog.

## KAWM KOM TXAWJ THIAJ NCE QIB

Ntau tus neeg nrhiav hauj lwm nkag siab yuam kev tias cov hauj lwm kho kev tsheb kom txhob puas yuav tsum tau mus kawm ntau yam tshaj li qhov tsim nyog. Tiam sis yog kawm tiav ib yam kev cob qhia tshwj xeeb los yog tau daim ntawv pov thawj tsav tsheb (xws li ib daim CDL) ua tuaj yeem ua tau thaum ua hauj lwm mas yeej muab lees paub tias yog ib qho txiaj ntsig zoo heev li. Ua hauj lwm nrog koj pab pawg neeg ua hauj lwm tsav tsheb loj thiab kho kev tsheb thiab lwm yam los nrhiav kom paub cov hau kev ua kom muaj kev loj hlob ntawm koj txoj hauj lwm kom tau raws siab xav los yog ceev cov kev txawj cia los ntawm qhov siv cov lus muab kev cob qhia ua hauj lwm muaj saum huab cua (online) nyob ntawm [MNTransportationCareers.com](http://MNTransportationCareers.com).

“Koj lub neej yav tom ntej yog ib txoj kev qheb dav heev!”